



Broj: 01-02-17665 /17
Zenica, 20.12.2017. godine

VLADA ZENIČKO-DOBOJSKOG KANTONA

- n/r premijera Kantona
- n/r sekretara Vlade

**ZAKONODAVNO-PRAVNA KOMISIJA SKUPŠTINE-putem Odjeljenja za poslove
radih tijela Skupštine – 04-01**

**PREDMET: Inicijativa za izmjenu člana 14. Zakona o proglašenju Spomenika prirode
„Tajan“ -dostavlja se**

Besim Avdić, poslanik u Skupštini Zeničko-dobojskog kantona pokrenuo je na 51. sjednici Skupštine Zeničko-dobojskog kantona održanoj **18.12.2017. godine**, u okviru predtačke dvenog reda: „Postavljanje poslaničkih pitanja i pokretanje inicijativa“, **Inicijativu za izmjenu člana 14. Zakona o proglašenju Spomenika prirode „Tajan“ („Službene novine Zeničko-dobojskog kantona“, broj: 3/08).**

S tim u vezi, u skladu sa članom 112. stav 1. Poslovnika Skupštine Zeničko-dobojskog kantona, u prilogu vam dostavljam na mišljenje predmetnu inicijativu o kojoj ste se dužni izjasniti u roku od **30 dana**, radi daljeg postupanja Skupštine po istoj u skladu s Poslovnikom Skupštine.

S poštovanjem!

SEKRETAR

Avdagić
Ibrahim Avdagić

PRILOZI: dio transkripta sa 51. sjednice Skupštine u kome je sadržana inicijativa poslanika Avdića i inicijativa predata u pisanoj formi

Dostavljeno:

1x Naslovu

1x Svim poslanicima Skupštine/05-03

1x Ministarstvu za prostorno uređenje, promet i komunikacije i zaštitu okoline ZDK, na znanje

1x U spis predmeta/03 „R“

BESIM AVDIĆ

Poštovani predsjedavajući, dopredsjedavajući, uvaženi ministri, kolegice, kolege zastupnici, poštovani gosti, predstavnici medija sve vas srdačno selamim i pozdravljam.

Ja sam prije nekoliko sjednica kada je bilo govora o izvještaju ŠPD-a najavio mogućnost podnošenja inicijative vezano za spomenik prirode "Tajan" i evo ovom prilikom to upravo i činim.

Naime, podnosim inicijativu prema Vladi ZDK koja se odnosi na Zakon o proglašenju spomenika prirode "Tajan". Predlažem da se mijenja član 14. ovog zakona koji definiše da je upravitelj spomenikom prirode Tajan ŠPD ZDK doo Zavidovići. Umjesto ŠPD ZDK kao upravitelja predlažem da se upravljanje spomenikom prirode Tajan povjeri Općini Zavidovići na čijoj se teritoriji nalazi ukupna prva zaštićena zona ovog spomenika prirode u iznosu od 4 038, 35 hektara zemljišta.

Obrazloženje: Spomenik prirode Tajan je izuzetan prirodni dragulj koji obiluje mnoštvom znamenitosti kao što su pećine, prirodni kameni mostovi, potoci, rijeke, vodopadi, jezera, šumski potencijal, netaknuta priroda, mnoge endemične biljne i životinjske vrste i još mnoštvo toga. U njegovoj neposrednoj blizini se nalaze restorani, motelski kao i drugi smještajni kapaciteti, golf teren, ergela konja, ribnjaci, sportski tereni, lovišta, biciklističke staze, šetnice i zabavni sadržaji za djecu, vikend naselja i drugo. Smatram da je malo ovakvih sredina u BIH i regionu koje se mogu pohvaliti ovakvim prirodnim ljepotama i sadržajima, a koji su nažalost vrlo malo ili nimalo u funkciji razvoja turizma i općenito razvoja Općine Zavidovići i države. Vrlo malo je onih koji i znaju za spomenik prirode Tajan, a još je manje onih koji su bili na tom području. Smatram da glavni razlog što je to tako leži u činjenici da spomenikom prirode upravlja ŠPD. Nelogično je da jednim spomenikom prirode upravlja ŠPD kojem je po prirodi posla, po prirodi stvari jel', primarni cilj sječa i eksploatacija šumskog bogatstva, a ne promocija i razvoj turizma. Spomenik prirode je na ovaj način bukvalno taoc ili zarobljenik ŠPD-a već punih 10 godina. Sve pozitivno što je urađeno u spomeniku i oko spomenika rezultat je formalnih grupa, odnosno udruženja građana i pojedinaca. ŠPD je samo dodatno opterećen spomenikom prirode u materijalnom i u svakom drugom pogledu. Zbog toga smatram da ih treba rasteriti, te je neophodno izvršiti izmjenu pomenutog zakona te upravljanje ovim spomenikom prirode povjeriti Općini Zavidovići koja bi formirala javno preduzeće za upravljanje spomenikom prirode, a zainteresiranost i spremnost Općine itekako postoji. Samo resorno ministarstvo i Vlada ZDK trebaju uzeti aktivnu ulogu u rješavanju ovog pitanja u saradnji sa Općinom Zavidovići. Na taj način bi se adekvatno i kompetentno uz mnogo više entuzijazma moglo raditi mnogo više na razvoju i promociji turizma na ovom području kako je prvobitno i zamišljeno. Ovo područje može biti izuzetan razvojni potencijal u nadolazećem vremenu kada je naša država postala izuzetno atraktivna turistička destinacija za mnoge turiste širom svijeta, a uz kamene kugle i spomenik prirode Tajan, Zavidovići mogu biti top destinacija na turističkoj karti BIH, a sada to nije slučaj, ne zato što ne postojimo već zato što se za nas ne zna. Dakle, cilj mi je da se stvari pokrenu sa mrtve tačke i da spomenik prirode Tajan zaista zauzme onu poziciju na turističkoj karti BIH koja mu pripada. Mislim da uz jednu ekipu, jedno mini javno preduzeće može se napraviti jedna zaista uspješna priča, da taj spomenik prirode bude samoodrživ, da se na taj način rastereti i ŠPD jer čuli smo direktora ovog privrednog društva da kaže da je za u potpunosti da se Tajan izdvoji iz ŠPD-a jer ih opterećuje u svakom pogledu. Mislim da bi Vlada ZDK zajedno sa resornim ministarstvom ŠPD-om i Općinom Zavidovići vrlo brzo trebala reagovati da se nađe adekvatno rješenje upravo ovako kako sam predložio u ovoj svojoj inicijativi kako bi to područje dobilo zaista značaj i pažnju koju zaslužuje. To su veliki potencijali kojim bi se pohvalila svaka država u svijetu, a mi mnogi i ne znamo uopće za to. Dakle, smatram da će ovo biti vrlo brzo i efikasno realizovano. Hvala.

Besim Avdić – zastupnik u Skupštini Ze-do kantona

Datum: 18.12.2017.

Skupština Zeničko-dobojskog kantona

ZASTUPNIČKA INICIJATIVA

Podnosim inicijativu prema Vladi Zeničko-dobojskog kantona koja se odnosi na Zakon o proglašenju Spomenika prirode „Tajan“. Predlažem da se mijenja član 14. Ovog Zakona koji definiše da je Upravitelj Spomenikom prirode Tajan „Šumsko –privredno društvo Zeničko-dobojskog kantona“ d.o.o. Zavidovići. Umjesto „Šumsko- privrednog društva Zeničko-dobojskog kantona“ kao Upravitelja predlažem da se upravljanje Spomenikom prirode Tajan povjeri Općini Zavidovići na čijoj je teritoriji ukupna prva zaštićena zona ovog Spomenika prirode u iznosu od 4.038,35 ha zemljišta.

Obrazloženje :

Spomenik prirode Tajan je izuzetan prirodni dragulj koji obiluje mnoštvom znamenitosti, kao što su: pećine, prirodni kameni mostovi, potoci, rijeke, vodopadi, jezera, šumski potencijal, netaknuta priroda, mnoge endemične biljne i životinjske vrste i još mnoštvo toga. U njegovoj neposrednoj blizini se nalaze restorani, motelski kao i drugi smještajni kapaciteti, golf teren, ergela konja, ribnjaci, sportski tereni, lovišta, biciklističke staze, šetnice, zabavni sadržaji za djecu, vikend naselja i dr. Smatram da je malo ovakvih sredina u BiH i regionu koje se mogu pohvaliti ovakvim prirodnim ljepotama i sadržajima, a koji su nažalost vrlo malo ili nimalo u funkciji razvoja turizma i općenito razvoja općine Zavidovići i države. Vrlo malo je onih koji i znaju za Spomenik prirode Tajan, a još je manje onih koji su bili na tom području. Smatram da glavni razlog što je to tako upravo leži u činjenici da Spomenikom prirode upravlja ŠPD. Nelogično je da jednim Spomenikom prirode upravlja ŠPD kojem je po prirodi stvari primarni cilj sječa i eksploatacija šumskog bogatstva, a ne promocija i razvoj turizma. Spomenik prirode je na ovaj način bukvalno taoc ili zarobljenik ŠPD-a već punih 10 godina. Sve pozitivno što je urađeno u Spomeniku i oko Spomenika je rezultat formalnih gupa, odnosno udruženja građana i pojedinaca. ŠPD je samo dodatno opterećen Spomenikom prirode u materijalnom i u svakom drugom pogledu, te zbog toga smatram da ih treba rasteretiti, te da je neophodno izvršiti izmjenu pomenutog Zakona, i upravljanje ovim Spomenikom prirode povjeriti općini Zavidovići, koja bi formirala Javno preduzeće za upravljanje Spomenikom prirode. Zainteresiranost i spremnost općine itekako postoji, samo resorno Ministarstvo i Vlada Ze-do kantona trebaju uzeti aktivnu ulogu u rješavanju ovog pitanja u saradnji sa općinom Zavidovići. Na taj način bi se adekvatno i kompetetno uz mnogo više entuzijazma moglo raditi na razvoju i promociji turizma na ovom području, kako je prvobitno i zamišljeno. Ovo područje može biti izuzetan razvojni potencijal u nadolazećem vremenu kada je naša država postala izuzetno atraktivna turistička destinacija za mnoge turiste širom svijeta. Uz kamene kugle i Spomenik prirode Tajan, Zavidovići mogu biti top destinacija na turističkoj karti BiH, a sada to nije slučaj, ne zato što ne postojimo, već zato što se ne zna za nas.

Besim Avdić



Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 167. sjednici, održanoj dana 02.11.2018.godine, d o n o s i

OPŠTINA ZENIČKO DOBOJSKI KANTON			
Primljeno: 09. 11. 2018.			
Org. jed.	Broj	Prilog	Vrijednost
01-23-	16448	18	

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline, broj: 12-23-17665-1-1/17 od 22.10.2018. godine, po inicijativi poslanika Besima Avdića, u vezi izmjena člana 14. Zakona o proglašenju Spomenika prirode "Tajan" („Službene novine Zeničko-dobojskog kantona“, broj: 3/08), koji je sastavni dio ovog Zaključka.

II.

Zaključak sa Mišljenjem Ministarstva za prostorno uređenje, promet i komunikacije i zaštitu okoline, broj: 12-23-17665-1-1/17 od 22.10.2018. godine, upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-23-16448/18.
Datum, 02.11.2018. godine.
Zenica

DOSTAVLJENO:

- 1x Ministarstvo za prostorno uređenje, promet i komunikacije i zaštitu okoline;
- ☒ 1x Stručna služba Skupštine Kantona;
- 1x a/a.





Broj:12-23-17665-1-1/17
Zenica, 22.10.2018.godine

U skladu sa članom 111. i 112. Poslovnika Skupštine Zeničko-dobojskog kantona («Službene novine Zeničko-dobojskog kantona», broj: 7/12 i 12/13, 7/18) i aktom Vlade Zeničko-dobojskog kantona broj: 02-i-02-17665-1/17 od 03.01.2018. godine, Ministarstvo za prostorno uređenje, promet i komunikacije i zaštitu okoline daje sljedeće:

MIŠLJENJE

Na 51. sjednici Skupštine Zeničko-dobojskog kantona održanoj 18.12.2017. godine, poslanik Besim Avdić je pokrenuo inicijativu za izmjenu člana 14. Zakona o proglašenju Spomenika prirode «Tajan» («Službene novine Zeničko-dobojskog kantona» broj: 3/08).

U obrazloženju inicijative poslanik Besim Avdić govori o prirodnim ljepotama Spomenika prirode «Tajan», ali ističe da Spomenik prirode nije u funkciji razvoja turizma i općenito razvoja općine Zavidovići. Smatra da je glavni razlog takvog stanja činjenica da Spomenikom prirode «Tajan» upravlja «Šumsko privredno društvo Zeničko-dobojskog kantona» d.o.o. Zavidovići (u daljem tekstu ŠPD). Zbog toga predlaže formiranje «mini» Javnog preduzeća u općini Zavidovići, kako bi Spomenik prirode postao samoodrživ.

Ministarstvo za prostorno uređenje, promet i komunikacije i zaštitu okoline navedenu inicijativu smatra neopravdanom i odbija je iz sljedećih razloga:

U fazi donošenja Zakona o proglašenju Spomenika prirode «Tajan» provedena široka javna rasprava u kojoj su učestvovali, prije svega, općine Zavidovići i Kakanj, Turistička zajednica Zeničko-dobojskog kantona, ŠPD ZDK, nevladine organizacije koje se bave zaštitom prirode i okoliša itd.

U ponuđenoj radnoj verziji Zakona nalazio se i prijedlog o formiranju javnih preduzeća u općinama Zavidovići i Kakanj, koja bi upravljala Spomenikom prirode «Tajan». Ova ideja je u raspravama odbačena sa obrazloženjem neekonomičnosti formiranja novih javnih preduzeća.

U raspravama je bilo i drugih ideja kao npr. da Spomenikom prirode Tajan upravlja Turistička zajednica Zeničko-dobojskog kantona itd.

Konačan rezultat javne rasprave i stav Vlade i Skupštine Zeničko-dobojskog kantona je bio da upravitelj spomenikom prirode «Tajan» bude ŠPD Zeničko-dobojskog kantona koje će formirati posebnu organizacionu jedinicu koja će upravljati Spomenikom prirode «Tajan».

U fazi pokretanja inicijative, od strane poslanika Besima Avdića, nije izvršena procjena sredstava potrebnih za formiranje novog javnog preduzeća. Formiranje novog javnog preduzeća, iziskivalo bi i nova opterećenja Budžeta Zeničko-dobojskog kantona, kao i potrebu iznalaženja sredstava, tako da Ministarstvo za prostorno uređenje, promet i komunikacije i zaštitu okoline ne bi imalo osnova za pribavljanje izjave o fiskalnoj procjeni.



U postupku ocjene predmetne inicijative Ministarstvo je procijenilo da je u cilju promjene postojećeg stanja, u postupku izmjene člana 14. Zakona o proglašenju Spomenika prirode "Tajan", odnosno odabiru novog Upravitelja zaštićenim područjem "Tajan" neophodno prethodno uključiti sve zainteresirane subjekte, ŠPD ZDK, općine Zavidovići i Kakanj, Turističku zajednicu ZDK, Ministarstvo poljoprivrede, šumarstva i vodoprivrede ZDK, nevladin sector itd.

Iz svega navedenog proizilazi da se u ovoj fazi inicijativa poslanika Besima Avdića ne može prihvatiti i realizirati.

Dostavljeno:

2 x Stručna služba Vlade kantona

n/r premijera, n/r sekretara

1 x a/a

